

Aruba Tivoli Club ta celebrá su 55 aniversario di existencia

E aña aki Aruba Tivoli Club ta celebrando nan di 55 aniversario di existencia. Parti di e celebracion aki tabata e reconocemento cu e club a ricibí for di e organizadornan di 'Jubu Happening' na San Nicolas pa

e contribucion cu e club aki a aportá desarroyo positivo di e Carnaval di Aruba.

Na mes momento e actual Directiva a realizá varios encuentro cu e miembronan cu tabata testigo di e inicio y cu actualmente ta miembronan honorario. En total tin 20 miembro honorario cu a yuda

enormemente pa reconstruí e historia di Aruba Tivoli Club.

Na aña 1921 varios encuentro tabata tuma lugar entre hungadornan di tennis, despues di tempo riba 18 di Juni 1921 exáctamente, Aruba Tennis Club a keda fundá. E promé Presidente di e club tabata Dr. J.E.M. Arends, Sr.

Difunto Dr. J.R. Arends, Sr. mihor conocí como Dr. Coco Arends tabata di bishita na Dinamarca y na e capital di e país aki, esta Copenhagen. Aki tabatin un entertainment center masha grandi di nomber Tivoli. Dr. Coco como miembro y fundador a recomendá pa cambia e palabra "Tennis" pa "Tivoli" y asina e abreviacion ta keda mescos, esta A.T.C.. Cambio di e nomber a tuma lugar na 1935 y di e manera aki e nomber di e club por a complementá mas cos cu tennis so.

Na 1944, difunto Sra. Ada Arends a trece e idea pa cuminsá celebrá Carnaval na e club. Cu fiesta di Carnaval y disfraznan simpel manera pirata, cowboy, payaso, etc. nan tabata goza y subi despues den

Canei, great Italian wine
Aruba Agencies N.V.

pick-up pa dal un keiro den caya. E promé fiesta di Carnaval den club a wordo guiá pa difunto Tommy Pietersz Sr., difunto Tushi Arends, difunto René Arends, difunto Rosa Weaver-Arends y otro nan.

E promé Reina di Carnaval di Aruba Tivoli Club ta Bebe Oduber-Laclé. Reina di simpatia tabata difunto Rica Arends y Miss Tivoli ta difunto Rosa Weaver-Arends. Den e añanan siguiente a cuminsá saca e otro figuran cu te awe tur hende conocé manera Joker, cual e promé tabata difunto Elias Mansur y Griselda Arends



ta e promé Joyita.

E union corto di Aruba Tivoli Club y S.A.C. a cuminsá na momento cu difunto Tushi Arends y Milo Croes tabata traha hunto na Postkantoor y ambos a bin cu e idea pa invitá Aruba Social Club, na e momento ey bao Presidencia di Milo Croes pa huntu cu Aruba Tivoli Club bai den un parada di Carnaval cortico den caya.

T'asina Centraal Committee Carnaval Aruba a nace na aña 1954 bao Presidencia di difunto Tushi Arends. Tivoli a sigui yuda C.C.C.A. cu mas Presidente como por ehempel Dr. Dolfi Oduber, Capeis Laclé y otro nan.

Na 1955 a keda eligé e promé Reina di Carnaval representando Aruba Tivoli Club, esaki ta Evelina Jansen-Croes. Tambe e mesun aña a keda eligé e promé Prins y Pancho di Aruba, kendenan tabata representá e cuna di Carnaval, esta Aruba Tivoli Club. E Prins y Pancho aki ta Capeis Laclé y Morris Neme. Despues di esaki a sigui invitá mas y mas club pa join y Carnaval a sigui crece na Aruba.

Na aña 1966 Tivoli a join e parada grandi cu e grupo di Romanos.

Promé cu esey tabata join den grupo chiquito apart. Na 1967 Tivoli a bai den un solo grupo grandi cu e tema di Cow-boys.

A partir di e aña aki Aruba Tivoli Club a conquistá pa varios aña consecutivo e premio di mas grandi, esta Grupo di Aña. A continuacion nos ta bai recordá e aña y kico e tema di e grupo tabata.

1968: Chinese Fantasy
1969: 1001 Nights
1970: Discovery of America
1971: Jewel Fantasy
1973: The Four Seasons
1973: Fairy Tales
1974: Out of Space
1975: Underwater Fantasy
1976: Bicentennial U.S.A.
1977: Venezuela, un país para querer
1978: Heraldry Fantasy
1979: Calender

Na 1979 tambe a iniciá e Ballonnenoptocht di Aruba Tivoli Club y na 1978 e famoso Fakkelloptocht. Aruba Tivoli Club ta orguyoso di por laga pueblo goza y cende e mecha pa inicio di Carnaval aña tras aña. E aña aki Fakkelloptocht ta cumpli su di cuater lustro.

Na 1980 Tivoli a purba su promé Lighting Parade.

Na 1981 nan a bai pa último biaha den parada grandi cu e tema Tribute to India.

Desde 1982 te awor nan a sigui cu su Lighting Parade cual e aña aki lo tuma lugar riba 14 di Februari 1998 y cu orguyo lo celebrá e aña aki su di 55 aña di Carnaval di Aruba Tivoli Club.

Actualmente e Directiva di Aruba Tivoli Club ta bao presidencia di Norman Arends.

Canei, great Italian wine
Aruba Agencies N.V.

